

Santu 'Asili. Progetu “Viviamo il Sarrabus- Gerrei”



Sa chida colada, in Santu 'Asili 'e Monti est istada firmada una pàgina importante pro is comunidades de su Sàrrabus e de su Gerrei. Difatis est istadu firmadu s'acòrdiu de

programa cun s'Assessore Regionale a sa Programatzione Fasolino subra de sa programatzione territoriale chi decretat sa nàschida ufitziale de su progetu “Viviamo il Sarrabus Gerrei”.

Su progetu presentadu dae is duas uniones de is comunos est istadu finantziadu cun 12 millones de èuros ma cun sa programatzione europea noa ddoe at a èssere sa possibilidade de crèschere meda custu finanziamentu cun àteros investimenti.

Medas is interventos e is òperas chi in is meses sighentes ant a cumentzare in is comunos de su Sàrrabus Gerrei. Turismu ativu e isportivu, turismu culturale e inclusione sotziale sunt sas diretziones printzipales de custu progetu.